

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Hezkuntzak Prestakuntza Planeko eta I+G arloko doktoratu aurreko laguntzen deialdia egin du, eta zuzkidura 765.000 eurokoa izango da

Ikasleek eskaera aurkeztu ahal izango dute irailaren 25a baino lehen

Astearte, 2018.eko abuztuak 28

Hezkuntza Departamentuak doktoratu aurreko laguntzak eskatzeko deialdia ireki du unibertsitateko ikasleentzat, Nafarroaren intereserako eta nazioarteko mugikortasunerako Doktorego Programa egiteko; deialdirako 765.000 euroko inbertsioa egingo da. Laguntza horiek lortu nahi dituzten ikasleentzat eskaerak aurkezteko epea irailaren 25ean amaituko da.

Bi laguntzen deialdiaren helburua da doktoreak formatzea prestakuntza eta ikerketa programetan; era horretan, laguntza ekonomikoak emango dira Nafarroaren intereserako izango diren doktore tesiak egiteko, talentu ikertzailea Nafarroako goi mailako hezkuntzan eta ikerketa zientifikoan sar dadin. 2018tik 2021era emango diren laguntza hauetarako guztira jarritako 765.000 eurotatik 633.000 euro Nafarroaren intereserako Doktoretza Programa egiteko Doktoratu aurreko Laguntzen Programarako izango dira eta 132.000 euro nazioarteko mugikortasunerako Doktoratu aurreko Laguntzen Programetarako.

Laguntzen deialdia gaur argitaratu da [Nafarroako Aldizkari Ofizialean](#), eta bertan jasotzen dira onuradunek bete beharreko baldintzak; hau da, tartean, Nafarroarekin lotura izatea, 2018/2019 ikasturtean doktoregoa egiteko onartuta egotea edo onartzeko eskaera eginda edukitzea, eta estatuko edo atzerriko zentroetan egonaldi laburrak egitea, edo aldi baterako atzerrira joatea mugikortasun-laguntzen kasuan.

Laguntza horien bitartez, mantenu-gastuak, administrazio-gastuak eta joan-etorrikoak estaliko dira. Laguntza gehienez hiru urtekoa izango da doktorego-programetarako laguntzen kasuan.

Mugikortasunerako laguntzei dagokienean, berriz, guztira 132.000 euro emango dira, eta horietatik 58.000 euro atzerriko zentroetan egonaldi laburrak (1-3 hilabete) egiteko izango dira eta 74.000 euro atzerriko zentroetara aldi baterako (4-9 hilabete) joateko.

Nafarroako Gobernuak doktoretza-programak egiteko doktoratu aurreko deialdiak berriro abian jarri zituen 2016. urtean, eta 2017an nazioarteko mugikortasunaren inguruko deialdia berreskuratu zuen. Azken horretan, guztira doktore aurreko 13 ikerlarik laguntza osagarria jaso zuten.